

# Génesis

## Daxitacuene petaxuxuabiliwaisi



© DCC, 1978

### *Pacuenia Dioso exana daxitacuene mapanacuataje, athëbëpijicueneyajawa*

**1** **1** Dioso petaxuxuabimatacabi pexanaejawa mapanacuaje, <sup>1</sup>exana itaboxo, irayajawa. **2** Bajarajota iracuene abaxë aponayapëtae xaniawaetsia. Abaxë saya ëmera daxitajawa. Aitaquirinua daxita nacua meramatatsënëwereco. Itsiata baitsi jane <sup>2</sup>Espíritu Santo nacueneweretsiaya ponapona mera matatsënëwereco.

**3** Nexata <sup>3</sup>Dioso jumaitsi:

—Naexanare pitayotsicotia —jai. Nexata naexana pijumeta pitayotsicotia. **4** Itsa Dioso tane pitayotsicotia, tsitaxanepanatsi. Nexata xuacujinae Dioso tsata pecotia

pitaquirijawawecua. **5** Penaitayotsicotia wënëruba matacabi. Pitaquirijawa pijinia wënëruba merawi. Bjaraxua exanaewereta penamataxainaematacabita.

**6** Icatsia xuacujinae Dioso jumaitsi:

—Mera natsatsi. Itsamerayajuwënëjawa junaetsia athëbëabetsia, athëbëyo perubenaenexa. Nexata nacopatsi petusato bajarapanatsatsimerajawabeje tuatua-jëalia —jai. Nexata bajarapacuenia natsatabeje. **7** Dioso bajarapacuenia tsata petusato tuatua-jëalia, perubenaenexa mera athëbëabetsia. Itsajawa nacopata petusatobëxëpanayo, irawetsia pe-enaemeranënexa. **8** Bajarapatusato wënëruba itaboxo. Bjaraxua exanaewereta cotocaewimatacabita.

**9** Icatsia bajaraxuacujinae Dioso jumaitsi:

—Itaboxobëxëpana pebocaemera panacaetuaere caejawabelia. Bajarapamera tuatua-jëatsina pitsapaetsina petsewijawa —jai. Bjarapacuenia pejumaitsi-jawata naexana. **10** Bjaraxua pepitsapaejawatsina petsewijawa Dioso wënëruba ira. Pamera pijinia nacaetuata caejawabelia, bajaraxua wënëruba manumene.

<sup>1</sup> **1:1** **exana:** Mapajumeyo pitsapa «creó» wowaijumeta. Bjarapajume nacato-itajëta pacuenia Dioso exana daxitacuene piajibijawata itsacuenejawa pecanacuenebinexa.

<sup>2</sup> **1:2** **Espíritu Santo:** Dioso pejumeliwaisi, pejanaliwaisibaxutota, Dioso peEspíritu wënërubabiaba Espiritu Santocuenia. Dioso peEspíritu ita wënërubatsi, bajarapajume nacayapëtaeya-exana pacuenia pepoDiosoyabara cuaicuaijai. Baitsi apopenatoxainaeyajuwënëjawa, apopecobecowënë-ata. PepoDioso cajena espíritucuenia penaitajëtsinë. Taema «**Dioso peEspíritu**» glosariojawata.

<sup>3</sup> **1:3** **Dioso jumaitsi:** Taema Jn 1:3, Sal. 33:6; 95:3-5.

# Éxodo

## Israel Pemomoxi pepitsapaejawa Egipto nacuwecua



© DCC, 1978

### *Egipto nacuapijiwi bejiobia-exanaponona Israel pemomoxi*

**1** 1 Mapamonaaje Jacob-pijinë pexi pewënëanë, peyajawajonewi bajaronë Egipto nacujawabelia. Jacob itsawënë pijinia Israel. Caenë canacujitsia bajarapamona pexiyajawa najetarubena pejinawanapaenexa Egipto nacujawatalia. **2** <sup>1</sup>Jacob-pijinë pexi mapamonaaje: Rubén, Simeón, Leví, Judá, **3** Isacar, Zabulón, Benjamín, **4** Dan, Neftalí, Gad, Aser. **5** Bajarapamona Jacob-pijinë pexi tsaponaarena. Daxita pamona Jacob-pijinëjawawerena pepitsapaponaewi, Egipto nacuyabelia pepatsiwi, namata-ējēta setenta ponēbeje pemomoxiyajawa, tsipaji bajarapacujinaeta pexēnato, José, pexiyajawa baja cajena, ponapona Egipto nacuatatia paxa patsinejewalia.

**6** Bexējawabelia José tēpa. Bajarapa-

cuenia pijamona-ata, daxita pamona Jacob-pijinë peyajawapatsiwi Egipto nacujawabelia, bajarapamonaemi tēpa bajarapanacuatalia. **7** Itsiata baysi jane bajarapamonaemi pemomoxi ayaibitsaēto nacopata. Nexata bajarapamona pexi xainapona. Orijiibia ayaibitsaēto naexanapona pewajēnaeyabelia. Nexata belia bajarapamona Israel-pijinë pemomoxi naexana pinijibitsaētoxaneto. Wēnēcanua bitso bajarapanacua. Pinijibitsaētoxae pewajēnaeyabelia, bitso pinijicuenesaē xainabuatapona.

**8** Bexējawabelia Josépijinēmi petēpacujinae, pijamonaemi-ata pecowēta, icatsia itsapejanayanacua-ewetsinē naexana Egipto nacujawata. Bajaraponē-ata apoyapētae Josépijinēmi. Nexata Egipto pepopeyanacua-ewetsinē Israel pemomoxi yabara jumaysi peyajawanacuenebiwijawabelia:

**9** —Panejumetaema. Israel-pijinë pemomoxi waxaitsiwecua bitso ayabitsaēto naexanapona pewajēnaeyabelia. Bajarapacuenianua bitso pinijicuenesaē xainapona. **10** Nexata waxaitsi bajarapamona yabara yapētaeya besiwanacanaējētatsi, wjacuenecaranatsinexa ayaibitsaētoyaniwa. Belia cuenecaējēpaejitsipatsi wjanacabarēnawajabitsaēsinexa, itsa naliwaisicajunua itsamonaejawabelia wjanacabarēnabenexa,

<sup>1</sup> 1:2 **Jacob:** Itsawënë Jacob raja Israel-wënë. Taema Gén. 32:28.